



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**MOPHATO 12**

**SETSWANA PUOTLALELETSO YA NTLHA (FAL)**

**PAMPIRI YA BORARO (P3)**

**NGWANAITSEELE 2025**

**MADUO: 100**

**NAKO: Diura di le 2½**

**Pampiri e, e na le ditsebe di le 6.**

**DITAELO LE TSHEDIMOSETSO**

1. Pampiri e, e arogantswe ka DIKAROLO di le THARO:  

|              |  |      |
|--------------|--|------|
| KAROLO YA A: | Tlhamo                                   | (50) |
| KAROLO YA B: | Ditlhangwa tse dileele tsa tirisano      | (30) |
| KAROLO YA C: | Ditlhangwa tse dikhutshwane tsa tirisano | (20) |
2. Araba potso e le NNGWE go tswa mo KAROLONG NNGWE le NNGWE.
3. Kwala ka puo e o tlathlobiwang ka yona.
4. Simolola KAROLO NNGWE le NNGWE mo tsebeng e NTŠHWA.
5. Kwala letlhomeso (seka, mmapa wa dikakanyo/sethalo/tšhate/mafoko a a kaelang, jalo le jalo), siamisa diphoso le go buisa tiro ya gago gape. Letlhomeso le kwalwe PELE o simolola go kwala tlhamo.
6. Tirokwalo ya ipaakanyo yotlhe e tshwanetse go tlhagelela sentle. Thala mola o o sekaganyang go supa fa tirokwalo e le ya ipaakanyetso.
7. O gakololwa go dirisa nako ya gago ka mokgwa o o latelang:  

|              |                  |  |
|--------------|------------------|--|
| KAROLO YA A: | Metsotso e le 80 |  |
| KAROLO YA B: | Metsotso e le 40 |  |
| KAROLO YA C: | Metsotso e le 30 |  |
8. Dinomoro tsa dikarabo di tlhagelele jaaka di ntse mo pampiring ya dipotso.
9. Naya karabo NNGWE le NNGWE setlhogo se se maleba.
10. Setlhogo GA SE a tshwanela go akarediwa mo palong ya mafoko a a tlhokegang.
11. Kwala sentle ka mokwalo o o buisegang.

**KAROLO YA A: TLHAMO****POTSO 1**

Kwala tlhamo ya boleele jwa mafoko a a ka nnang 250–300 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo. O se ka wa lebala go thala letlhomeso/lenaneopaakanyo PELE o kwala.

- 1.1 Botlhokwa jwa go buisa lokwalodikgang letsatsi le letsatsi. [50]
- 1.2 Ke lemogile go setse go le thari. [50]
- 1.3 A thekenoloji e dirisiwe go emela batho mo ditirong tse di farologaneng. Dumela kgotsa ganela. [50]
- 1.4 O ntemositse botlhokwa jwa go itshwarelana. [50]
- 1.5 Fa nka ipona ke na le se e leng sa me ... [50]
- 1.6 Go tsweletsa dithuto morago ga go fetsa materiki ga go botlhokwa. [50]

Tlhopha setshwantsho se le SENGWE go tswa mo go tse di latelang, mme o kwale tlhamo ka ga sona. Nomora potso ya gago (go nna 1.7 KGOTSA 1.8). Neela tlhamo ya gago setlhogo se se maleba.

**ELA TLHOKO:** Diteng tsa tlhamo ya gago di tshwanetse go tsamaelana le setshwantsho se o se tlhophileng.

1.7



[Se nopotswe go tswa mo go [www.sabcnews.com](http://www.sabcnews.com)]

[50]

1.8



[Se nopotswe go tswa mo go [Learningkagoaddemm9.z14.web.core.windows.net](http://Learningkagoaddemm9.z14.web.core.windows.net)]

**[50]****PALOGOTLHE YA KAROLO YA A:****50**

**KAROLO YA B: DITLHANGWA TSE DILEELE TSA TIRISANO****POTSO 2**

Araba potso e le NNGWE fela mo karolong e. Karabo e nne boleele jwa mafoko a a ka nnang 120–150.

**2.1 POTSOTHERISANO**

Kwala potsotherisano magareng ga modirediloago le morutwana yo go bonagalang a sa itumela mo sekolong.

**[30]****2.2 LEKWALO LA SEMMUSO**

Mo ngwageng wa 2025 o ikaelela go ya go ithutela dikerii ya B.Com Accounting kwa Yunibesithing ya Bokonebophirima. Kwalela Rejisetara wa yunibesithi lekwalo le mo go lona o kopang go amogelwa kwa setheong seo.

**[30]****2.3 TSA BOTSHELO JWA MOSWI**

Ngwana wa baagisani ba gago o amegile mo kotsing ya sejanaga mme a tlhokafala. Bagolo ba gagwe ba go kopile go kwala tsa botshelo jwa moswi ka o godile le ena.

**[30]****2.4 THADISO YA FILIMI**

Kwala thadiso ya filimi e o kileng wa e lebelela mme ditiragalo tsa teng tsa tsosa maikutlo a kutlobotlhoko mo go wena.

**[30]****PALOGOTLHE YA KAROLO YA B: 30**

**KAROLO YA C: DITLHANGWA TSE DIKHUTSHWANE TSA TIRISANO****POTSO 3**

Araba potso e le NNGWE fela mo karolong e. Karabo e nne boleele jwa mafoko a a ka nnang 80–100.

**3.1 PHOUSERARA**

Sekaseka setshwantso se se latelang, mme morago o kwale phousetara e e tsamaelang le sona.



[Se nopotswe go tswa mo go [dutable.com](http://dutable.com)]

[20]

**3.2 MOLAETSAKHUTSHWE (SMS)**

Tsala ya gago e laleditswe go tsenela ditlhatlhobo tsa go tshamekela setlhopha sa bosetšhaba sa Aforikaborwa sa kgwele ya dinao. Mo kwalele molaetsakhutshwe o mo gakolole ka dintlha tsa botlhokwa tse a sa tshwanelang go di lebala fa a ya kwa ditlathobong tse.

[20]

**3.3 PAPATSO**

Ratoropo wa gaeno o dumetse gore o neelwe lefelo la go itshimololela kgwebo ya go tlhatswa dikoloi. Kwala papatso, o gogele bakgweetsi go tshegetsatsa kgwebo ya gago.

[20]

|                                   |            |
|-----------------------------------|------------|
| <b>PALOGOTLHE YA KAROLO YA C:</b> | <b>20</b>  |
| <b>PALOGOTLHE YA TLHATLHOBO:</b>  | <b>100</b> |